



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1635. usque ad annum 1643

**Fleury, Claude**

**August. Vind. [u.a.], 1779**

**VD18 9011888X**

§. 69. Cosaccorum seditio.

---

[urn:nbn:de:hbz:466:1-67406](https://nbn-resolving.org/urn:nbn:de:hbz:466:1-67406)

Sæc. XVII. flicto Gallorum audaciam uli fuerant, tres insuper triremes eis interceperunt, ac plusquam mille ducentos trucidarunt.

## §. LXIX.

*Cofaccorum seditio.*

*Brachel. l. 5. Es 6. Jæger. Hist. Eccl. l. 8. c. 6.* Nondum integer effluxerat annus, ex quo Uladislaus Poloniæ Rex habitis Regni sui comitiis Cæciliam Renatam Ferdinandi II. Cæsaris Filiam sibi matrimonio junxerat, cum illico nuptiarum solemnia seditio a Cofaccis excitata interturbaret: ita nempe nulla in risu felicitatis constantia. Hi post reportatas de Tartaris victorias armorum cessatione torpere cæperant, cumque otium patrandis vitiis natum sit, hi quoque, prædas & latrocinia jam ex antiquo tanquam artem exercere assueti, Polonorum Procerum ditiones deprædati sunt. Nec iteratis comminationibus eorum petulantia coerceri poterat; quamvis enim Stanislaus Coojcepolius supremus militiæ Præfectus ad Boristhenis, & Samaræ confluentes novum propugnaculum construxisset, eique pro tuendis operariis Germanos milites imponeret, Cofacci tamen suis prædationibus remoram poni indignantes, dejectis operariis prædiarios



diarios una omnes trucidarunt: ne ergo Sæc. XVII.  
ultionis dilatione periculum tacitis au- A. C. 1638.  
gesceret incrementis, Conjeczpolius  
nulla mora cum valida manu Nicolaum  
Potochium ablegat, qui Cofaccos ite-  
rata clade protritros in urbem Borovi-  
tiam fugere, famisque violentia pres-  
sos eo compulit, ut Paulucium præci-  
puum rebellionis Ducem unacum aliis  
quatuor Primoribus captum tradere  
cogerentur, ceteris data impunitatis  
fide: quoniam vero hanc securitatem  
non nisi inferiores Præfecti captivis de-  
dissent, hancque intempestivam ele-  
mentiam Proceres in Regni comitiis con-  
gregati ratam minime haberent, Pau-  
lucius, ejusque Socii Ordinum jussu  
capite plexi sunt. Inde vero Cofacci  
effratiores effecti, ob fidem Paulucio  
non servatam spretis omnibus pacis con-  
ditionibus in Polonos Nobiles inflato  
classico truces & implacabiles inimici  
denuo grassantur, vulneribus, incen-  
diis, cædibus, ac strage: nec erat ani-  
mus, conquiescere, nisi prius Polonicæ  
nobilitatis internecone, contumeliæ  
sua opinione acceptæ litatum esset, fa-  
tisque datum. Accessit ad mali cumu-  
lum Gedanensium rebellio ob novum  
vectigal concitata, quæ tamen publico  
Ordinum decreto sedata est, quin ta-  
men Potochius & Conjeczpolius Cofac-  
P 5 cos,



Sæc. XVII. eos, quos tota æstate oppugnaverant, A. C. 1638. ad obsequium, tranquillitatemque armis suis reducere possent, eorum furore per plures annos etiamnum se-  
 viente. Nec magis obsequentes habebat Nobiles Rex Uladislaus; cum enim militarem septuaginta duorum Fratrum Ordinem instituere decrevisset, Radzivilius huic proposito in comitiis Varsoviensibus tam pertinaciter resistit, ut Rex non modo hoc consilium, sed & consilii cogitationem deponere cogere-  
 tur. Ita turbarum lues in Polonia facile a plebe in Proceres serpit, atque instar incendii folles ipsos corripit.

§. LXX.

*Turcarum motus contra Venetos & Persas.*

*Sagredo Mem. Ist. pag. 707. Calmet Hist. Univ. l. 153.*

Postquam Ragotsius Cæsaris ope Turcas & Bethlenium e Transylvania eiecerat, beneficii immemor ejusdem Cæsaris Filium Ferdinandum III. armis oppugnare statuit: Hanc in rem misso Henrico Bisterfeldio Anglos, Suecos, Gallos, Batavosque sibi armorum societate jungere tentabat, eisdem pollicitus, se validum agmen adversus Cæsaris amicos educturum, dummodo tercenties millium Thalerorum subsidium quotannis sibi daretur. Placuit Gallis Ragot-